

Umiarsualiviit pillugit Inatsisartut Inatsisaanniit Umiarsualiviit atortulersuutitalit imartallillu mininneqarnissaat pillugu Namminersorlutik Oqartussat nalunaarutaat

Umiarsualiviit pillugit Inatsisartut inatsisaanni nr. 9, 3. juni 2015-imeersumi § 1, imm. 2 naapertorlugu aalajangersarneqarpoq:

§ 1. Umiarsualiviit atortulersuutitalit imartallillu suliffeqarfimmit ataatsimit pigineqarlutik ingerlanneqartullu umiarsualivimmi suliffeqarfimmik ingerlatsinissamik siunertaqanngitsut aammalu taassuma nammineq inuussutissarsiutitigut soqutigisaanik siunertaqarluni taamaallaat ingerlanneqartut Umiarsualiviit pillugit Inatsisartut inatsisaanni mininneqarput.

Imm. 2. Imm. 1 naapertorlugu umiarsualiviit atortulersuutitalit imartallillu inunnit imaluunniit sakkutuut imarsiortut ilisimasassarsiortuinit assartugassanik allamit pigineqartunik inuussutissarsiutigalugu assartuinnermut atorneqarsimappata imaluunniit umiarsualivik atortulersuutitalik imartallillu inuussutissarsiutitut atatillugu allamit tikiffigineqarpat imm. 1 malillugu mininneqarneq atorunnaassaaq.

§ 2. Umiarsualiviit atortulersuutitalit imartallillu suliffeqarfimmit ataatsimit nunami tunisassiornermik tunngaveqarluni pigineqartoq ingerlanneqartorlu aammalu aalisakkanik suliffeqarfiup pilersuinissaanut tunisassiornissamut pingaarnertigut atorneqartoq Umiarsualiviit pillugit Inatsisartut inatsisaanni mininneqarpoq.

§ 3. Umiarsualiviit talittarfittut puttasutut pilersitat atortulersuutininik imartanillu ilallit pingaarnertigut tikittarnernut, orsersortarnernut aammalu umiatsiaaqqat sunngiffimmilu angallatit pituttortarnerannut ilusilersugaasut atorneqartullu Umiarsualiviit pillugit Inatsisartut inatsisaanni mininneqarput.

Imm. 2. Umiarsualiviit talittarfittut puttasutut pilersitat atortulersuutininik imartanillu ilallit pingaarnertigut tikittarnernut, orsersortarnernut aammalu angallatit amerlanerpaamik 12-nik ilaasoqarluni angallassisarnissanut ilusilersugaasut atorneqartullu Umiarsualiviit pillugit Inatsisartut inatsisaanni mininneqarput.

Imm. 3. Angallatinik nunani tamalaani angalasunik tikkineqartarneq umiarsualivinni atortulersuutitalinni imartalinnilu imm. 1 aamma 2-mi taaneqartuni inerteqqutaavoq.

Imm. 4. Umiarsualiviit imm. 1-imi imaluunniit imm. 2-mi ilaatinneqartut 100 meteri qaangerlugu takissuseqaqqusaanngillat.

Imm. 5. Imm. 1 aamma 2 naapertorlugit umiarsualiviit atortulersuutitalit imartallillu inunnit angallatinik ilaasussat 12-t sinnerlugit ilaasoqarsinnaallutik akuerineqartunik inuussutissarsiutigalugu assartuisarnissamut

atorneqarsimappata imaluunniit angallatinik nunani tamalaani angalaartunik tikiffigineqarsimappata imaluunniit 100 meteri qaangerlugu takissuseqarsimappata imm. 1 imaluunniit 2 malillugit mininneqarneq atorunnaassaaq.

§ 4. Naalakkersuisut allatut aalajangiisimangippata §§ 1-4 malillugit minitaasarneq atorunnaassaaq, tassalu umiarsualiviit atortulersuutitalit imartallillu §§ 1-4 malillugit mininneqarnissamut piumasaqaatinut akerliullutik atorneqarsimappata.

§ 5. Nalunaarut atortussanngortitsinermi atuutilersinneqassaaq.

Namminersorlutik Oqartussat, ulloq 3. januaari 2025

Hans Peter Poulsen (atsior.)

Ineqarnermut Attaveqaasersuutinullu Naalakkersuisoq

/ Ruth Lindhardt (atsior.)

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut